



# Kavamatkunnin Tuhaqtitaujukhat

## Nunarjuami Tinguklirnikkun (Hepatitis) Ublunga 2020

Aulaqtirvikhaa Ublua: Taaqhivaliavia 24, 2020  
Nutqarviqhaa Ublua: Taaqhivaliavia 28, 2020  
Nunavunmi-tamaat

100 sec

Nunarjuami Tinguklirnikkun (Hepatitis) Ublunga atuqtauvaktuq ukiuq tamaat umani Taaqhivaliavia 28 qauyidjutikhainnik haffuma hiamitiqtaaqtup aanniarutim. Umani ukiungani, nunaryuami uuktuutikhat nutqaqtidjutikanut tinguklirnikkun (hepatitis) nanihinahuarlutik amigaitpiaktunik inungnik inuujunik haffuminga hiamitiqtaaqtumik aanniarunmik qauyimangiuttumik. Tamna COVID-19 qalagjuarniq aanniarutauyuq takupkaiyut anginiqarnianik havaqatigingnirmik ikiglinahuarlugit hiamitirninganik hiamititaaktut aanniarutit. Naunaitiarumaguvit talvuuna on Nunarjuami Tinguklirnikkun (Hepatitis) Ublunga, takulugu hamna <https://www.catie.ca/en/whd>

Tinguklirniq puvipkapaktaa tinguk imaalu ihuaqhiyaungitkumi, nakuungiqtihugillu nakuujun tingungnit cells. Naunaitkutait tinguklirnirmi naunaijualluitton kihimi ilaqaqtaaqtun:

- Unaguhungnirmik.
- Nirijumahaqluirniq.
- Quriigtangurniq uvinikmi ijinilu.
- Uvingmi aupadjangniq.
- Ihuqhijumik qurni.
- Fluutun-ittunik naunaitkutinik.

Ihvriuqhirniit tinguklurmirni pivaktuq aukun ihvriuqhinirmi nunallaarni munaqhitkunni. Piqaqtuq aannialaqlaitkhamik pingittaami tinguqlirnikkun B-mik Nunavunmiullu akhuuqtajun ihvriuqlugin kapijauhimavangnikkut qanurinninginni munaqhilu nunallaamingni ublumiutaupkaqlugillu tamaita kapijauhimadjtikhat.

Taapkuak tinguqlirnikkun B unalu C aallakkiingujuq aannialaqtik hiamitiqtauttaaqtuk aajjikkiiktukkut qanuriliurutikkun imaatum:

- hapummidjutiqangittukkut qanikkun, itikkun, imaaluuunniit uttukkun nuliarutini;
- atuqatigiigutigiplugin aangajaalaqidjutikkut ingilrutit;
- halummaqtauhimangittun kaujaliurutin timimiluunniit kappuutikkun ingilrutit;
- aungmit aungmut aktuqtauhimayunut;
- atauttimiuyunik igluqaqtunit;
- irnilirnirmit.

Aallakkut qanuriliurutikkut nutqaqtittaqaqtaa hiamitirniq tunguklirnirmik aallaniklu nuliarnikkut hiamitpaktun aannialaqtin (STIs) ilaqaqtun:

- Aturnirnik puunik avuudjutingidjutikhaniikluunniit. Puut, igliarmut puut ukuallu kinitirutillu akiittut munaqhitkunni aallanilu humiittuni nunallaani Nunavunmi.
- Ihivriuqhiqattaqpaklutin STI-nun nuliaqtinnatin nutaami piqatimi(ni). Ihivriuqhiqpaqlutin ilvin piqatin(titit) nuliaruffi aallamik iliffiungittumik. Ihivriuqtauvaklutin aturaluaqhimaguvin puunik.

Kangiqhittiarumaguvit, takulugu Munaqhitkut unaluunniit [www.irespectmyself.ca/in](http://www.irespectmyself.ca/in).

###

#### **Tuhaqtidjutikhanun Uqarvikhaq:**

Chris Puglia  
Atan'ngujaullaktuq Tuhaqtipkainikkut  
Aanniaqtailinnikku Havagvia  
867-975-5949  
[cpuglia@gov.nu.ca](mailto:cpuglia@gov.nu.ca)